

ԳԵՐՄԱՆԱԿԱՆ ԸՆԿԵՐՈՒԹՅՈՒՆՆԵՐԻ ԳՈՐԾՈՒՆԵՈՒԹՅՈՒՆԸ
ՀԱՅԱՍՏԱՆՈՒՄ (1991-2008թթ.)

1991թ. դեկտեմբերին ԳԴՀ-ն պաշտոնապես ծանաչեց ՀՀ անկախությունը և 1992թ. հունվարին երկու երկրների միջև հաստատվեցին դիվանագիտական հարաբերություններ: ԳԴՀ-ն միջազգային քաղաքականության գործընթացների վրա ազդող լուրջ պետություններից մեկն է, ուստի նրա հետ բազմապիսի և բազմաբնույթ փոխհարաբերությունները քաղաքական, գիտական, ռազմավարական, կրթամշակութային և այլ ոլորտներում կարևոր է ՀՀ-ի համար միջազգային լայն ասպարեզ մտնելու նպատակով: Երկու երկրների միջև հարաբերությունները զարգանում են վերելքի ուղիով:

Հայտնի է, որ Գերմանիան վերամիավորումից հետո արտաքին քաղաքականության հենքը դրել է տնտեսական առաջընթաց ապահովելու խնդրի վրա, ուստի այդ առումով կարևորվում են հայ-գերմանական տնտեսական հարաբերությունները, որոնց շարժիչ ուժերից են համատեղ՝ հայ-գերմանական և զուտ գերմանական ընկերություններ:

Անդրադառնալով Գերմանական Դաշնային Հանրապետության կողմից Հայաստանում կատարած ներդրումներին պետության և մասնավոր ընկերությունների միջոցներով Հայաստանում ԳԴՀ դեսպան Անդրեա Վիկտորինը Գերմանիայի միասնության 17-րդ տարեդարձի կապակցությամբ 2007թ. հոկտեմբերի 3-ին իր ողջույնի խոսքում ասաց. «Սեպտեմբերի 11-ին և 12-ին Երևանում կայացան միջկառավարական բանակցություններ, որոնց արդյունքում հայկական կողմին հատկացվեց 79,5մլն եվրո արժողության միջոցներ¹: Այսպիսով, զարգացման համագործակցության ոլորտում գերմանական աջակցության ողջ ծավալը Հայաստանին անկախացումից հետո կազմում է մոտ 265մլն եվրո»²: Այնուհետև դեսպանը հավելում է. «Ոչ միայն գերմանական պետությունը, այլև Գերմանիայի շատ քաղաքացիներ իրենց մասնագիտություններով մարդասիրական ծրագրեր են իրագործում Հայաստանում»:

Գերմանական քաղաքացիներն իրենց ներդրումները Հայաստանում չփոշիացնելու և նրանց ապահովածության առավել երաշխավորված դարձնելու նպատակով միավորվում են, կազմելով ընկերություններ³:

«Schöco» (Շուկո) ընկերությունը, որը ստեղծվել է 1951թ. իր գործունեությունն սկսել է ցուցափեղկերի և ալյումին ֆասադային մասնիկների

¹ «<http://www.panorama.am/am/economy/2007/09/12/germania/>».

² «Հայաստանի Հանրապետություն», 13 սեպտեմբերի 2007թ.:

³ Հայ-գերմանական տնտեսական հարաբերությունների մասին տես «Հայաստանի Հանրապետություն», 22 հունիսի 2004թ.:

արտադրությունից: 1970-ական թվականներին ընկերությունն ընդլայնում է իր գործունեությունը Եվրոպական երկրներում, շարունակել է իր հզորացման միտումը և արդեն 2006թ. ունենալով աշխարհում 4700 աշխատակիցներ, կատարում էր մոտ 1,6մլրդ եվրոյի շրջանառություն⁴:

Ընկերությունը ժամանակակից կառույցների համար ապահովում է էներգետիկայի ծախսման արդյունավետությունը, շենքի ներսում միկրոկլիմայի, շրջապատի բացասական ազդեցությունից՝ շոգից, աղմուկից, արեգակնային ճառագայթներից պաշտպանելիությունը:

«Schöco»-ի ապրանքատեսականին ընդգրկում է շինարարական նյութերի ողջ համակարգը: Տեղում ընկերությունը հայ սպառողին է ներկայացնում այդ համակարգի բոլոր նյութերը: Նրա գրասենյակը գործում է Երևանի Ամիրյան N 3 հասցեում⁵:

Հայաստանի համար նշանակալից է նաև (WBrth Group) Վյուրտ գրուպի ծառայությունը, որի հայաստանյան մասնաճյուղի 10-ամյա գործունեության հոբելյանական տարում՝ 2007թ. հոկտեմբերի 18-ին կայացել է այդ առթիվ հանդիսավոր արարողություն, որին ներկա է եղել ընկերության հոգաբարձուների խորհրդի նախագահ տիկին Բեթինա Վյուրտը⁶:

Ընկերությունն իր գործունեությունն սկսել է նախ Երևանում 1997թ. հոկտեմբերին, ապա ընդգրկել է նաև Շիրակի և Լոռու մարզերը, իսկ 2007թ. նաև Սյունիքում⁷: Նա իր նպատակասլաց և խոհեմ գործունեությամբ կարողացավ կայուն դիրքեր ունենալ Հայաստանում, որպես լուրջ մրցակից՝ նրա շուկայում, հայ սպառողին ներկայացնելով շինարարության, արդյունաբերության, մետաղամշակման, փայտամշակման, սննդի և խմիչքի արտադրության բնագավառում օգտագործվող բարձրորակ ապրանքներ 2007թ. հոկտեմբերի վերջին հայ սպառողին է տրամադրել WOW (WBrth Online World) մեքենաների դիագնոստիկ և տեղեկատվական համակարգը⁸:

«Siemens AG» (Բեռլին և Մյունխեն) ընկերությունը համաշխարհային առաջատարն է էներգետիկայի և էլեկտրոտեխնիկայի բնագավառներում: Այն հիմնադրվել է 159 տարի առաջ (հաշված 2007 թվականից): Ներկայումս այն աջակցում է 190 երկրների իր պատվիրատուներին⁹:

Կոնցեռնի գործունեության ոլորտներն են ինֆորմատիկան և կապի միջոցները, ավտոմատացման և վերահսկման համակարգերը, էներգետիկան,

⁴ «Ազգ» (Հավելված), 3 հոկտեմբերի 2007թ., էջ Ե:

⁵ Տե՛ս ավելի մանրամասն տեղեկություններ www.schueco.am կայքում:

⁶ «Ազգ» (Հավելված), 3 հոկտեմբերի 2007թ., էջ Ե:

⁷ «Ազգ» (Հավելված), 1 հոկտեմբերի 2005թ., էջ Ե:

⁸ Հասցե՝ ք. Երևան, Աշտարակի խճուղի 2/2(գլխավոր գրասենյակ), հեռ.՝ 39-53-47, 39-53-48, ֆաքս՝ 39-52-37, էլ.փոստ՝ info@wurth.am:

⁹ Հասցե՝ ք.Երևան, Ազաթանգեղոս 2ա, 4-րդ հարկ, հեռ.՝ 58-72-80, ֆաքս՝ 56-22-75, էլ.փոստ՝ norayr.khachatryan@siemens.inter-as.com:

տրանսպորտը, բժշկությունն ու լուսատեխնիկան:

1998թ. երևանում բացված ընկերության ներկայացուցչությունը հաջող գործունեություն է ծավալում հետևյալ 4 ուղղություններով. էներգետիկա (գեներացում, էներգիայի փոխանցում և բաշխում), գործընթացների ավտոմատացում և բուժտեխնիկա:

Այսօր Սիեմենս PG բաժինն առաջարկում է իրականացնել էներգիայի արտադրություն ոչ ավանդական ձևերով. դրանցից է հողմաէներգիան, արևի էներգիան, վառելիքային տարրը:

Հայաստանի Հանրապետությունը, վերջին 2006-2007թթ. հետաքրքրություն է ցուցաբերում դիագնոստիկ նոր սարքավորումների նկատմամբ: Երեւոնի, Նաիրի և Արմենիա հիվանդանոցները ձեռք են բերել ուլտրաձայնային, անգիոգրաֆիկ հետազոտման ապարատներ, համակարգչային տոմոգրաֆիայի և մագնիսառեզոնանսային սարքեր: 1997թ. հոկտեմբերի 1-ից իրականացվեց արդյունաբերական բաժինների վերադասավորում՝ արդյունքում ստեղծվեց նոր բաժին ավտոմատացման և շահագործման տեխնիկա (A&D) անվամբ, որը կարող է հասնել ցանկացած խնդրի համալիր լուծման:

Հայաստանում է գործում Tyco Electronics-ը ներկայացնող էներգոընկերությունը 2007թ. նոր ծրագրով և համագործակցությամբ, 2007թվականից «էներգո» ընկերությունն իրականացնում է էլեկտրոնիկական համակարգերի վերազինման ծրագրեր «Քաջարանի պղնձամոլիբդենային կոմբինատի» հետ: Այդ ծրագրի շրջանակներում կառուցվել են 40 ՄՎԱ հզորությամբ երկու ենթակայան, բացի այդ ընկերությունը «Հայաստանի էլեկտրական ցանցեր» (ՀԵՑ) ՓԲԸ-ի հետ ավարտել է Ծաղկաձոր քաղաքի էներգոմատակարարման համակարգի արմատական վերակառուցումը: 2006թ. ընկերության մասնաճյուղի վերոհիշյալ կազմակերպության հետ իրականացրել է պիլոտային ծրագրեր:

Այն, ըստ «Wall Street Journal»-ի, 100 համաշխարհային խոշորագույն ընկերություններից 38-րդն է շուկայում¹⁰: Նա ունի 79 մլրդ դոլարի ծավալ, էներգետիկայի մասնաճյուղում այժմ աշխարհում 3400-ից ավել աշխատող է 1 մլրդ 380 հազար ԱՄՆ դոլարի տարեկան վաճառքի գերազանցումով¹¹:

Հայաստանում հաջողությամբ է գործում AREVA T&D-ի դուստր ձեռնարկությունը (AREVA Energietechnik GmbH): Նա էլեկտրոտեխնիկայի բնագավառում գործող համաշխարհային ճանաչում ունի: Նրա գործունեության շրջանակներում են բարձր և միջին լարման սարքավորումները, տարբեր տեսակի տրանսֆորմատորները, պաշտպանության և վերահսկման սարքերը, SCADA համակարգերը, տարբեր լարումների կայանները¹²:

¹⁰ «Ազգ» (Հավելված), 3 հոկտեմբերի 2006թ., էջ Ե:

¹¹ «Ազգ» (Հավելված), 3 հոկտեմբերի 2007թ.:

¹² AREVA T&D-ի և Tyco Electronics-ի հասցեն է՝ ք. Երևան, Թումանյան 11, հեռ.՝ 54-21-22, ֆաքս՝ 58-20-60, էլ. փոստ՝ imfo@yere너지.am:

Այսօր հաջողությամբ շարունակվում է Քրոնիմետի գործունեությունը Հայաստանում, որի անունից Հայաստանում գործում է «Քրոնիմետ Սայնինգ» ՍՊԸ-ի ներկայացուցչությունը Երևանում:

«Ձանգեզուրի Պղնձամոլիբդենային Կոմբինատ» ՓԲԸ-ն գտնվում է Քաջարան քաղաքում: Այն արդյունաբերող ու վերամշակող ձեռնարկություն է: Նա ունի ավելի քան 2600 աշխատող: Գերմանական «ՔՐՈՆԻՄԵՏ» խումբը գլխավոր բաժնետերն է, ամենամեծ մասնավոր գործատուն և ներդրողը Հայաստանում¹³:

ՀՀ կառավարությունը կոմբինատին պարգևատրեց «Ոսկե Աստղ»- ով, մի պարգև, որ տրվում է արտադրության հատուկ բարձր ստանդարտներ ձեռք բերելու համար: Նա օգնում է աշխատանքի և կյանքի պայմանների բարելավմանը միաժամանակ դպրոցների և սպորտային դահլիճների վերանորոգմանն ու պահպանմանը, խթանում սոցապահովության, բժշկության և մշակութային հաստատությունների ծրագրերի իրականացմանը: Բացի այդ «ՔՐՈՆԻՄԵՏ» խումբը Հայաստանում ունի «Սաքուր երկաթի գործարան»¹⁴:

Գյումետեր Պիլարսկին, ով «ՔՐՈՆԻՄԵՏ» խմբի հիմնադիրն ու ղեկավարն է իր մեծ վաստակի համար 2006թ. նոյեմբերին Քաղեն-Վյուրթենբերգի երկրամասում նշանակվեց Հայաստանի Հանրապետության հյուպատոս¹⁵: Նա Հայաստանի առաջին և հիմնիկվա միակ պատվո հյուպատոսն է ԳԴՀ-ում՝ նստավայրը Կարլսբուխ քաղաքն է¹⁶:

Ուշագրավ է Սյունիսեն-Երևան-Սյունիսեն ավիաչվերթի նախապատմությունը, 1955թ. ապրիլի 1-ին օդ է բարձրանում LH104 Ֆրանկֆուրտ-Սյունիսեն օդանավը, որը թռիչք կատարեց Դյուսելդորֆով և Ֆրանկֆուրտով, դրանով իսկ սկիզբ դրեց Lufthansa AG-ն չվացուցակով ծառայություն կատարող առաջին ընկերությունը Գերմանիայում երկրորդ աշխարհամարտից հետո: Այժմ ընկերության օդանավերը թռիչք են կատարում դեպի 78 երկիր 192 ուղղությունների վրա: 2006թ. ընթացքում հանգիստ ու ապահով տեղափոխել է ավելի քան 53,4 մլն ուղևոր: Այն եվրոպայի ամենահաջող ավիաընկերություններից մեկն է, որը հետագա տարիների ընթացքում այն պետականից վերածվեց սեփականաշնորհված ընկերության¹⁷:

Նրա ապրանքանիշի առանձնահատկություններն են որակ, նորարարություն, ապահովություն և հուսալիություն: Ուղևորափոխադրումների հետ միասին ընկերությունը հաջողությամբ գործառնում է նաև տեխսպասարկման, սննդի նորագույն տեխնոլոգիաների բնագավառներում:

¹³ «Հայաստանի Հանրապետություն», 2 դեկտեմբերի 2004թ.:

¹⁴ Հասցե՝ ք.Երևան, Այգեստան 5փող., 15տուն, հեռ.՝ 55-43-05, ֆաքս՝ 55-43-35:

¹⁵ "Frankfurter Allgemeine Zeitung", 2 oktober 2007.

¹⁶ «Ազգ» (Հավելված), 3 հոկտեմբերի 2007թ.:

¹⁷ ՀՀ ԱԳՆ Եվրոպայի վարչություն, արխիվ. գործ 197, թերթ 16:

Ընկերությունը 2003թվականից ղեկավարում է նրա նախագահ և գործադիր տնօրեն Վոլֆգան Սայրուբերը: Նա 2006թ. իր գործունեության եկամուտը հասցնել է մեկ միլիարդի:

Նշված ավիաընկերությունն ամենաերիտասարդ, բնապահպանության առումով լավագույն ընկերություններից է: Նրա ինքնաթիռների միջին թիվը 430 է, շահագործման միջին ժամկետը 10 տարի: Ընկերությունն օգտագործում է միայն վառելիք խնայող ինքնաթիռներ, միաժամանակ ակտիվորեն մասնակցում մանաւորիկ շարժիչների մշակմանը¹⁸:

«Կանայան և Կո.» ընկերությունը հիմնադրվել է 1997թ. Հայաստանում: Նա ջեռուցման եվրոպական սարքավորումների մատակարարման և մոնտաժման ոլորտի առաջնեկն է:

10 տարի է ինչ ընկերությունը հաջողությամբ համագործակցում է եվրոպական հանրահայտ ընկերությունների հետ: Այն գործում է օդարակման, ջեռուցման, օդափոխության, ջրամատակարարման սարքավորումների ոլորտում:

Հայաստանի Հանրապետությունում ընկերությունը համագործակցում է «Viessmann» և «Wilo» հանրահայտ գերմանական ընկերությունների հետ, «Կանայան և Կո.» ընկերությունը Հայաստանում «Viessmann» գերմանական ընկերության պաշտոնական գործընկերն է խորապես մասնագիտացած են ջեռուցման տեխնիկայի արտադրության բնագավառում:

«Կանայան և Կո.» աշխատակիցները նաև նրա նախագահ Բագրատ Կանայանը որակավորվել են գերմանական «Viessmann»-ի ակադեմիայում:

«Կանայան և Կո.» ընկերության բարձր վարկանիշը պայմանավորված է նրանով, որ նա մեծ պատասխանատվությամբ է վերաբերվում սպառողի պահանջների նկատմամբ, ազնվություն է դրսևորում գործընկերների և համագործակիցների հետ, ձգտում բիզնեսում հասնել կատարյալի: Արդյունքում չափում են թե՛ ընկերությունը, թե՛ նրա անդամները և թե սպառողները¹⁹:

Հայաստանում «Ադենա» ընկերությունը ներկայացնում է գերմանական բազմաթիվ ձեռնարկություններ և ֆիրմաներ, ներկրում նրանց արտադրանքը ՀՀ:

Հայաստանի Հանրապետությանն են ներկայացվում «Ադենայի» միջոցով Հալբերգը (Halberg GmbH) Սենթ Գոբեյն Գրուպի (Saunt Gobain) կազմում, Շոպֆը (Schopf GmbH), Ֆրիատեկ ԱԳ-ն (Friatec AG), Շմիդտը (Schmidt GmbH), Լինդեն (Linde GmbH), Էնջինիրինգ Դոբերսեկը (Engineering Dobersek GmbH),

¹⁸ «Ազգ» (Հավելված), 3 հոկտեմբերի 2007թ., էջ ը, Deutsche Lufthansa AG/Դոյչե Լյուֆթանդա Ալցինենգեզելշաֆթ, Երևան 0010, Ամիրյան փող. 1, 59-99-22/25, 59-99-23, lufthansa.yerevan@dlh.de:

¹⁹ Ընկերության մասին՝ հասցե Զ. Երևան Կիևյան 12ա, բն. 1; հեռ.՝ 27-33-11, ֆաքս՝ 27-28-60, կայք www.kanayan.am:

Բադջեր Մետր Եվրոպան (Badger Meter Europ), Էնդրես և Հաուզերը (Endress+Hauser), Մերդիան Էնջինիրինգը (Merdian Engineering GmbH):

«Ադենա»-ն Հայաստան է ներկրում նաև գերմանական ընկերությունների օգտագործված տեխնիկա²⁰: Ընկերությունը սպառողին միշտ առաջարկում է Ժժան, բարձրորակ և հուսալի գերմանական ապրանքներ²¹:

ՀՀ-ում բարձրորակ վաստակի համար «Հինջ» ընկերությունն այսօր էլ առաջատար է ՀՀ շուկայում²², հիմնադրվել է 1990թվականին, զբաղվում՝ ջրամատակարարման, ոռոգման, հիդրոէներգետիկայի, ջրային ռեսուրսների պահպանման և կառավարման խնդիրներով, իրականացնում՝ նախագծային, խորհրդատվական և գիտահետազոտական բազմաթիվ և բազմաբնույթ աշխատանքներ:

B.I.D. (Business Initiative Directions) կազմակերպության միջազգային ընտրական կոմիտեի կողմից «Հինջ»-ը բարձրորակ ծառայություններ մատուցելու համար 2002թ. ժնկում արժանացել է «Որակի միջազգային ոսկե Աստղ», 2003թ. Ֆրանկֆուրտում՝ «Որակի և տեխնոլոգիայի եվրոպական կամարի պլատինե կատեգորիայի», 2004թ. Փարիզում՝ «Որակի միջազգային ադամանդե աստղ» և 2005թ. Լոնդոնում՝ «Ոսկե թուջ ադամանդե կատեգորիայում» մրցանակների:

Ընկերությունն աշխատում է ըստ ISO 9001:2000 ստանդարտի պահանջների և ունի գերմանական TÜV ընկերության տված հավաստագիր (?01 100 041311):

«Հինջ» ընկերությունը Հայաստանի շինարարների միության, Երևանի առևտրաարդյունաբերական պալատի և Կենտրոնական Ասիայի ու Կովկասի գլոբալ ջրային համագործակցության անդամ է: Ընկերությունը միաժամանակ համագործակցում է ինչպես տեղական, նույնպես և միջազգային կազմակերպությունների հետ:

2003-2004թթ. կատարվել են Երևանի ջրամատակարարման համակարգերի բոլոր քլորակայաններում ALLDOS Dosiertechnik և Lutz-JESCO GmbH ֆիրմաների արտադրության քլորացման սարքավորումների մոնտաժում, կարգաբերում, գործարկում, ինչպես նաև անձնակազմի ուսուցում է կազմակերպվել:

Գերմանիայի Բնության, շրջակա միջավայրի պահպանության և միջուկային ռեակտորների անվտանգության ֆեդերատիվ նախարարության աջակցությամբ 2003-2006թթ. Հարավային Կովկասի տարածաշրջանում իրականացվել է «Անդրսահմանային համագործակցություն Քուռ գետի ավազանում վթարային իրավիճակի նախագուշացման նպատակով» ծրագրի աշխատանքներին մաս-

²⁰ Այդ մասին, ք. Երևան Լալայանց 47ա, հեռ./ֆաքս 53-13-99:

²¹ «Ազգ» (Հավելված), 3 հոկտեմբերի 2007թ., էջ 8:

²² «Ազգ» (Հավելված), 3 հոկտեմբերի 2007թ.:

նակցել է «Ջինջ» ՍՊԸ-ի փորձագետը, նա 2005թ. ծրագրի շրջանակներում վերապատրաստվել է Գերմանիայում՝ «Արտադրական օբյեկտների անվտանգության» թեմայով, որից հետո, որպես ուսանող, մասնակցել է Ռւկրաինայում և Մոլդավիայում ուսումնական դասընթացներին:

Ընկերությունը ներկայումս գերմանական GITEC Consult GmbH և Sachsen Wasser GmbH ընկերությունների հետ միասին մասնակցում է գերմանական վերականգնման և զարգացման KfW բանկի ֆինանսավորմամբ «Լոռու (Վանաձոր) Շիրակի (Գյումրի) մարզերի ջրամատակարարման և ջրահեռացման համակարգերի վերականգնում» ծրագրի և «Ծրագրի իրականացման գրասենյակի կառավարման հմտությունների խորացում» բաղադրիչի իրականացմանը:

«Ջինջ»-ը Լոռու և Շիրակի ջրմուղկայուղի ընկերությունների համար խորհրդատվական ծառայություններ է իրականացնում առևտրային, կազմակերպչական, կառավարման, տեխնիկական և այլ ոլորտներում, մշակում առևտրային քաղաքականություն, ռազմավարական և բիզնես ծրագրեր²³:

Bayer AG կոնցեռնի «Ղեղաբազա Երևան» ՍՊԸ-ն 2006 թվականի հոկտեմբերի 27-ին ինտեգրվեց Schering AG հայտնի դեղագործական ընկերության մեջ, արդյունքում ստացվեց նոր դեղագործական ընկերություն Bayer Schering Pharma AG անունով: Այս ինտեգրման գործընթացը երկու ընկերությունների առևտրային մշակույթների միասնությունն է, ինչպես նաև բիզնես գործընկերների և համագործակիցների հանդեպ արդար և պատասխանատու քաղաքականությունը: Միավորումը հնարավոր դարձրեց ամուր դիրք ունենալ մասնագիտացված շուկայում և կոզմիկ ընդլայնելու դեղորայքային շուկան:

Միավորումից հետո Հայաստանում Bayer Schering Pharma AG-ի երկու ներկայացուցիչներ են «Ղեղաբազա Երևան» ՍՊԸ-ն, որը Bayer ֆիրմայի պաշտոնական ներկայացուցիչն ու մատակարարն է և «ՔՈՍԱԹԱՐ» ընկերությունը, որը Schering Pharma դեղորայքի ներմուծողն ու մատակարարն է²⁴:

«Ֆրեզենիուս Սեդիլ Քեյր» ընկերության կողմից 2007 թվականին Ղափանում բացվեց հերթական դիալիզային կենտրոնը, համալրված «Ֆրեզենիուս Սեդիլ Քեյր»-ի սարքավորումներով: Այս կենտրոնը թվով 8 –որդն է, որոնցից 7-ը տեղավորված է Հայաստանում, մեկը՝ Լեռնային Ղարաբաղում: Կենտրոնի նպատակն է օգնել երիկամային անբավարարվածությամբ տառապողներին, երկարացնելու նրանց կյանքը:

²³ «Ազգ. Հավելված», Յոկտեմբերի 2006թ., էջ Ժք. ընկերության հասցեն է ք. Երևան, վարդանանց 8, հեռ.՝ 54-10-02, ֆաքս՝ 54-27-05, էլ.փոստ՝ info@jinconsult.com, www.jinconsult.com:

²⁴ «Ազգ. Հավելված», 3 հոկտեմբերի 2007թ. էջ գ, հասցե՝ ք.Երևան, Հ.Քոչարի 17, հեռ.՝ 22-12-22, 27-18-56, ֆաքս՝ 27-02-38, էլ.փոստ՝ abishar@arminco.com:

Ընկերության տնօրեն Վ. Փափազյանը ասում է. «Ես, իհարկե, կցանկանայի որպեսզի մարդիկ չհիվանդանային այս սարսափելի հիվանդությամբ և կարիք չլիներ նոր կենտրոններ բացել, բայց ցավոք ամբողջ աշխարհում, ըստ վիճակագրության նկատմամբ է թե՛ հիվանդների, և թե՛ կենտրոնների թվի աճ»։ Ստադիություն կա հաջորդ կենտրոնը բացել Սևան քաղաքում։

Ընկերությունը դիալիզի արտադրանքի և երիկամի փոխարինման թերապիայի գծով աշխարհի խոշորագույն մատակարն է։ Նա իր ներկայացուցչություններն ունի աշխարհի ավելի քան հարյուր երկրներում՝ 47000 աշխատատեղերով²⁵։

Schwarzkopf Professional ընկերությունն ավելի քան մի դար է, ինչ պահպանում է իր առաջատար դիրքը վարսավիրական շուկայի ընկերությունների շրջանակներում։ Այն ներկայացված է աշխարհի 90 երկրներում և համագործակցում է 160 հազար վարսավիրների և գործընկերների հետ։ Համագործակցելով վարսավիրների հետ մշակում է անհատական կոնցեպցիաներ ամեն մի գեղեցկության սրահի համար։

Վարսավիրական ընկերությունը (Շվարցկոպֆ) ներկայացնում է «IDEA-S» (Այդիա-Էս) ՍՊԸ-ն։ Այն գործում է 2004թ. սեպտեմբերի 1-ից։

«IDEA-S» ընկերությունն օգնում է որպեսզի հայ վարսավիրները հնարավորություն ստանան քայլել ժամանակի պահանջներին համընթաց և հաճախորդին հասցնեն աշխարհի լավագույն նորություններին¹⁵։

Գեղեցիկը սահման չունի կարգախոսով «Թալիսման» ընկերությունը WELLA և LONDA պրոֆեսիոնալ ապրանքատեսականիների պաշտոնական ներկայացուցիչն է Հայաստանում, գերխնդիրն այն է որպեսզի որակը հասցվի առավելագույնի։ Ընկերությունը համագործակցում է գերմանական հանրահայտ ֆիրմաների հետ, ձգտում հայ սպառողին հասցնել գերմանական լավագույն ապրանքատեսականին։

7-րդ տարին է, ինչ Հայաստանում գործում է WELLA ուսումնական կենտրոնը, որը սովորեցնում է վարսավիրություն, դիմահարդարություն, մատնահարդարում, բուսական բուժում և անգլերեն լեզու։ Կենտրոնն ուսուցում է կազմակերպում նաև սկսնակների համար։

Վերջին սեմինարը սկսվել է 2007թ. հունիսի 7-8-ին տեսական և պրակտիկ մասով Գերմանիայից ժամանած առաջնակարգ մարզիչների մասնակցությամբ²⁶։

²⁵ Հասցե՝ ք.Երևան, Մաշտոցի 6, բն. 53, հեռ./ֆաքս. 52-45-54, էլ.փոստ՝ frese@armencell.am:

¹⁵ Հասցեն է, Երևան Նոր Արեշ 35, 2Ա շենք (մեծածախ առևտուր), Պուլչինի 40, հեռ. 53-33-58; 53-33-12, էլ.փոստ՝ idea@xler.net:

²⁶ Հասցե՝ ք.Երևան, Զաքիյան 10, հեռ.՝ 56-22-42, 56-06-75, 51-90-28, էլ.փոստ՝ talis@arminco.com:

Գերմանական հանրահայտ Չիբո (Tchibo) ֆիրման տեղավորված է Մաշտոց 37 հասցեում, Հիմնադրվել է 2006թ. ընկերության փոխտնօրեն Նարինե Գրիգորյանը նշել է. «Ակզբնական շրջանում մեր հաճախորդները, նրանք էին ովքեր մեր ֆիրմային ծանոթ էին եվրոպական երկրներից, այժմ այն մատչելի է դարձել բոլոր երևացիների համար»²⁷:

Ընկերությունն առաջարկում է առողջության համար կարևոր ապրանքներ: «Չիբոն» աշխարհում հայտնի է որպես որակի չափանիշ²⁸:

Իր պարտականությունները սրբոցն է կատարում «Ավտոհաուս» ՍՊԸ-ն: Նա Porsche ընկերության ավտոմեքենաների միակ ներկրողն է Հայաստան: Ավտոգնողը կարող է ծանոթանալ նշված շարքի մեքենաների վերջին նորություններին, ձեռք բերել օրիգինալ պահեստամասեր, խնամքի նյութեր, հուշանվերներ, մեքենաների փոքր մոդելներ և այլն²⁹:

Պրոֆեսոր Ֆերդինանդ Պորշեն 1967թ. ստեղծեց մի նոր կոնցեպտ, որն այսօր իր 6-րդ սերնդի ներկայացուցիչներով իսկական լեգենդ է:

«Ալալ Սոթորս» ՓԲԸ-ն Հայաստանում ներկայացնում է AUDI-ին: «Ալալ Սոթորս» ընկերությունը հիմնադրվել է 2004թվականին, որը գերմանական AUDI AG ընկերության գլխավոր պաշտոնական ներկայացուցիչն է Հայաստանում: Նա ներկրում ու վաճառում է AUDI մակնիշի գործարանային նոր ավտոմեքենաներ և պահեստամասեր: Մեքենաներ, որոնք հարմարեցված են ՀՀ-ի ճանապարհային և վառելիքային պայմաններին: Տեխսպասարկումն իրականացնում են Գերմանիայում վերապատրաստված հայ մասնագետները:

Այդ մեքենաներից սենսացիոն մոդել է սպորտային և էլեգանտ Allroad Quattro-ն, որը ներշնչում է վստահություն և ներքին ուժ: Այս մեքենան նախատեսված է ընտանիքի համար՝ կյանքի բոլոր իրավիճակներում: Այդքանից հետո դարձյալ շարունակվում է AUDI-ի մոդելային շարքի թարմացումը³⁰:

«Ալալ Սոթորս» ընկերությունը 2007 թվականին բացված իր նոր ցուցասրահով հայ ավտոսիրողներին հասանելի է դարձնում AUDI-ի շարքի ողջ տեսականին: 2008 թվականի գարնանը գերժամանակակից նորագույն սարքավորումներով զինված տեխնիկական սպասարկման կենտրոնի շահագործման ծրագրով թեթևացվել է AUDI ավտոմեքենաների վարորդների հոգսը՝ հավատարիմ «AUDI կատարելիությունն ունի իր անունը» կարգախոսին³¹:

²⁷ «Ազգ. Հավելված», 3 հոկտեմբերի 2007թ. էջ է, էլ փոստ :

²⁸ Հասցե՝ ք.Երևան, Մաշտոցի 37, հեռ.՝ 53-70-13, էլ.փոստ՝ hvhmanagement@email.com, www.chibo.de:

²⁹ Խանութ-սրահի հասցեն է Արամի 2, Երևան 0010, հեռախոս 56-52-18, հ/ֆ 58-32-78, էլ.փոստ՝ porsche@porsche.am:

³⁰ Հասցե՝ ք.Երևան, Շուկակալ Իսակովի 22/2, հեռ.՝ 73-94-00, տեխսպասարկման կետ՝ հեռ.՝ 73-94-03, ցուցասրահ, ֆաքս՝ 73-94-01, էլ. փոստ՝ audi@audi.am:

³¹ «Ազգ. Հավելված», 3 հոկտեմբերի 2007թ. էջ դ

«Եվրոպել» ընկերությունը Հայաստանում ներկայացնում է OPEL ապրանքանիշը, որը 2007 թվականին պայմանագիր է կնքել «OPEL» ընկերության հետ՝ դառնալով նրա մակնիշի մեքենաների բացառիկ ներկայացուցիչը Հայաստանում:

«Եվրոպել»-ը ձգտում է սրբությամբ պահպանել և զարգացնել OPEL-ի ավանդույթները Հայաստանում: Այժմ ընդանում են նոր սերվիս կենտրոնի շինարարական աշխատանքները Շիրակ 39 հասցեում, որը կավարտվի ընթացիկ՝ 2008 թվականին³²:

Այդ Հայաստանում կան բազմաթիվ ու բազմապիսի մեքենաներ, այդ վկայում է, որ նրան հետաքրքրում է արտաքին շուկան, որից սիստեմատիկաբար նա օգտվում է: Սակայն Հայաստանին հետաքրքրում է ոչ միայն տեխնիկական հնարավորությունները և շարժիչի հզորությունը, այլև նրա վարկանիշն ու գրավչությունը: Ձևավորվել է բավականին մրցունակ շուկա:

Հայաստանում այսօր շատացել են ոչ միայն արտասահմանյան մեքենաները, այլև համապատասխան ընկերությունների ներկայացուցիչները: Այդ ընկերություններից են «Եվրոմոթորս»-ը, «Ավանգարդ Մոթորս»-ը, «Մուրան»-ը, «Գոլեն»-ը և այլն:

Այս կազմակերպությունների կազմում շարունակում է գործել «Եվրովագեն» ՍՊԸ-ն: Այս կազմակերպությունների շարքում երկու տարուց ավելի է ինչ գործում է «Եվրովագեն» ՍՊԸ-ն, որը Հայաստանում ու Լեռնային Ղարաբաղում «Ֆոլկսվագեն» ԲԸ-ի ապրանքանիշի կրող արտադրանքների պաշտոնական և բացառիկ ներկրող-իրացնողն է: Նրա ղեկավարներն առաջնակարգ խնդիր են դարձրել ներկայացնել միայն բարձրակարգ ավտոմեքենաներ, որոնք միաժամանակ հասանելի են ժողովրդական բոլոր զանգվածների համար, այսինքն՝ զինը մատչելի լինի, տեխնիկական սպասարկումը՝ բարձրակարգ, այնքանով, որ համապատասխանի միջազգային չափանիշներին:

Ընկերությունը հաջողությամբ է կատարում իր առջև դրված խնդիրները: Շնորհիվ տեխնիկական համագործակցության ստեղծվել է գիտավորձարարական բազա, մտահոգված է իր կադրերի մասնագիտական, որակական աճով: Աշխատակիցներին հաճախ են գործուղում Գերմանիա որակավորվելու:

Հավատարիմ ժողովրդավարություն վայելող իր կարգախոսին և «Ֆոլկսվագեն»-ի ավանդույթներին, ընկերությունը լուրջ ավանդ ունի մի շարք բարեգործական միջոցառումներում որպես հեղինակ և համահեղինակ³³:

Ընկերությունը ձգտում է ավելի սերտացնել Հայաստանի հետ իր կապերը, որպեսզի դրանով իսկ «Ֆոլկսվագեն»-ի լավագույն ավանդույթները փոխանցի

³² OPEL մակնիշի մեքենաների մասին հիմնական տեղեկություններ կարելի է ստանալ Գ.Լուսավորիչ 7 հասցեում, հեռ.՝ 54-40-60, ֆաքս՝ 54-44-04 կամ www.opel.ru և www.opel.com կայքերից:

³³ «Ազգ. Հավելված», 2 հոկտեմբերի 2004թ. էջ ք:

Հայաստանի Հանրապետությանը, դառնա նրա զարգացման շարժիչ ուժերից մեկը³⁴:

Հայաստանում «Պայմլեր Քրայսլեր» կոնցեռնի միակ պաշտոնական ներկայացուցիչն է Ավանգարդ Մոթորս ՍՊԸ-ն, որը 2004 թվականից Հայաստանում ներկայացնում է «Mercedes-Benz»-ի ապրանքանիշը, նրան նախորդել էր «Ինտերմոտոր» ընկերությունը 1988թ.³⁵: Նա 2007 թվականից հայ ավտոմեքենասերներին է ներկայացնում նոր C դասն՝ իր երեք ինքնատիպ գծերով՝ CLASSIC, ELEGANT, AVANTGARDE: Այս երեքն էլ ունեն Mercedes-ի լավագույն հատկանիշները, սակայն նրանց բոլորին միավորում է նույն բարձրակարգ տեխնիկական հնարավորությունները:

2007թ. ամերիկյան շուկայում ամենամյա հետազոտություններ կատարող J. D. Power & Associates կազմակերպություններն ուսումնասիրությունների արդյունքում «Mercedes-Benz» ընկերությանն արժանացրել են երեք ոսկյա պարգևի բարձրորակ արտադրանքի համար: Մրցամակները տրվել են E, S և SL դասերին³⁶:

«Եվրոմոթորս» ընկերությունը Հայաստանում «BMW Group»-ի բացառիկ ներկրողն ու պաշտոնական ներկայացուցիչն է: Այն գործում է 1998թ. և զնոդին է ներկայանում նոր մոդելի մեքենաներ՝ «BMW Group»-ի անընդհատ նորացվող գամայից: Ընկերությունը հաճախորդների համար դյուրին է դարձնում ավտոմեքենաների զնումը, ապառիկի ձևավորումը, հետերաշխիքային սպասարկումը, ավտոտեխսպասարկումը և այլն:

Այդ մեքենաները ավտոարդյունաբերության վերջին կանոնների արտադրանք են՝ արտաքին ու ներքին հարուստ տվյալներով³⁷:

Այսպիսով, այդ ընկերությունները սերտացնում են հայ-գերմանական տնտեսական հարաբերությունները: Գերմանական ընկերությունների միջոցով Հայաստանի Հանրապետության բնակչությունը ծանոթանում է տեխնիկական առաջաընթացի նորություններին: Ընկերությունների հետևողական աշխատանքի արդյունքն են ջրային, էլեկտրոէներգիայի, պղնձամուլիբդենի, սննդարդյունաբերության, բժշկության, մեքենաշինության և այլ բնագավառներում երկու երկրների միջև փոխհարաբերությունների շահավետ և նպաստավոր ձեռքբերումները:

ՀՀ-ի և ԳՂՀ-ի միջև տնտեսական հարաբերությունները զարգանում են և կշարունակեն զարգանալ, ինչպես վկայում են փաստերը, վերելքի ուղիով:

³⁴ Ընկերության հասցեն է Երևան, Լենինականի 12, հեռախոս՝ 39-07-76, ֆաքս՝ 35-80-83, www.eurowagen.am:

³⁵ «Ազգ. Հավելված», 1 հոկտեմբերի 2005թ. էջ 4:

³⁶ Ընկերության հասցեն՝ ք.Երևան, Գայի պողոտա 14/3, հեռ.՝ 66-88-00, ֆաքս՝ 66-89-00, էլ.փոստ՝ sales@mercedes-benz.am, www.mercedes-benz.am:

³⁷ Ընկերության գրասենյակը գտնվում է Երևան Գրիգոր Լուսավորիչի փ. հ. 7 հասցեում, հեռ.՝ 54-40-80, 54-80-60, ֆաքս՝ 54-44-04, էլ.փոստ՝ info@euromotors.am, www.bmw.am: